



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Physical Planning Construction and  
Environmental Protection**

Broj: 05/01-04-41956-12/20  
Sarajevo, 11.12.2020. godine

**SKUPŠTINA KANTONA SARAJEVO**

**- o v d j e -**

**n/r Elvedin Okerić, predsjedavajući**

**PREDMET:** Dostava odgovora na zastupničku inicijativu - zastupnik Mirza Čelik

Zastupnik u Skupštini Kantona Sarajevo Mirza Čelik, na 30. Radnoj sjednici Skupštine Kantona Sarajevo, održanoj 03.11.2020. godine, u okviru tačke Dnevnog reda "Poslanička/zastupnička pitanja, inicijative i odgovori" u skladu sa Poslovníkom Skupštine Kantona Sarajevo, pokrenuo je zastupničku inicijativu, kako slijedi:

*"Upućujem inicijativu Ministarstvu prostornog uređenja, građenja i zaštite okoliša i Ministarstvu saobraćaja za uređenje izletišta Stojčevac.*

*Образложење*

*Izletišta Stojčevac je jedno od najpoznatijih obilježja kako Općine Ilidža tako i Kantona Sarajevo te je kao takvo od izuzetnog značaja svim građanima Kantona Sarajevo. Od izuzetnog je značaja je izvršiti uređenje izletišta postavljanjem klupa, izgradnjom staza za šetnju i u okviru pomenutog uređenja izvršiti izgradnju biciklističke staze, time bi Općina Ilidža i Kanton Sarajevo dobili jedno sasvim novo izletišta koje bi sigurno doprinijelo unaprijeđenju turizma na području lokalne zajednice i Kantona Sarajevo."*

**ODGOVOR:**

Kada je u pitanju lokalitet Stojčevac, treba imati u vidu da se radi o području Prve vodozaštitne zone, shodno važećoj Odluci o zaštiti izvorišta za piće "Sarajevsko polje" iz 1987. godine. Istovremeno, Stojčevac se nalazi i u obuhvatu Druge zaštićene zone Spomenika prirode "Vrelo Bosne", u kojoj se prema Zakonu o proglašenju Spomenika prirode "Vrelo Bosne" ("Službene novine Kantona", broj 6/10-Prečišćeni tekst), pored mjera zaštite iz pomenutog Zakona, primjenjuju i mjere zaštite utvrđene drugim propisima (prevashodno onim iz oblasti voda).

Dosadašnji period upravljanja Spomenikom prirode "Vrelo Bosne" ukazuje na potrebu redefinisivanja granica i mjera zaštite unutar zaštićenog područja. Ministarstvo je 2016. godine finansiralo Analizu stanja i preispitivanje kategorije zaštićenih područja KS - faza II, koju je proveo Prirodno-matematički fakultet s ciljem preispitivanja i utvrđivanja kategorije zaštićenih područja i sagledavanja održivosti i adekvatnosti zadovoljenja višestrukih zahtjeva, te određivanja daljih mjera zaštite i obima intervencija. Rezultati su ukazali na problem u zaštiti kako hidroloških vrijednosti (koje su osnovni motiv za uspostavu zaštite čitavog područja), tako i biodiverziteta. U analizi su date, između ostalog, mjere prvog stepena, od kojih je poseban akcenat na mjeri izdvajanja područja Stojčevac površine, 26,44 ha, u Prvu (nukleus) zaštićenu zonu SP "Vrelo Bosne", što bi značilo veći stepen ograničenja u kontekstu razvoja i održivog korištenja istog.



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031

Sarajevo, Reisa Džemaludina Čauševića 1



Prethodno navedeno preneseno je i u novi Plan upravljanja Spomenikom prirode "Vrelo Bosne" za period 2020. - 2030. godine", kojeg je Vlada Kantona Sarajevo donijela u oktobru ove godine. U Planu je detaljno sagledano, između ostalog, i područje Stojčevca pri čemu su identifikovani brojni problemi (npr. prisutnost vandalizma u prostoru, uočeni pojedinačni lokaliteti na kojima se odlaže otpad, ne postoje edukativni niti interpretacijski sadržaji, nepoštivanje zabrane ispaše stoke oko izvorišta pitke vode, problem kretanja i parkiranja na zelenim površinama, parkovski prostor nije opremljen klupama, nadstrešnicama niti pratećim mobilijarom i dr.).

Istovremeno, predložene su aktivnosti u okviru Akcionog plana "Zaštita i očuvanje staništa i vrsta" (npr. uređivanje staništa i uklanjanje invazivnih vrsta i divljih deponija otpada, inventarizacija i monitoring staništa i vrsta, te monitoring voda, upravljanje divljači, uspostavljanje kontinuiranog monitoringa svih zagađivača u prostoru i dr.), te Akcionog plana "Upravljanje posjetiocima" (npr. uređivanje staza, signalizacija i njihovo održavanje, uspostavljanje edukacijske staze na Stojčevcu, uređenje lokaliteta Titova rezidencijalna vila sa pratećim objektima i tunelima, uređenje javnih površina, proširenje sistema videonadzora, priprema elaborata saobraćaja, uređenje prostora oko vrela i vodnih površina i dr.). Za sve aktivnosti određeni su nosioci realizacije, kao i procjena potrebnih finansijskih sredstava.

Ono što je značajno napomenuti jest, da je Kantonalna javna ustanova za zaštićena prirodna područja sa ovim Ministarstvom u 2020. godini pokrenula aktivnosti na uređenju Stojčevca s ciljem spriječavanja dalje degradacije prostora. O realizovanim aktivnostima smo već informisali Skupštinu Kantona Sarajevo kroz Odgovor broj: 05/01-04-20702-25/20 od 14.08.2020. godine, na zastupničko pitanje zastupnika Elvisa Vrete.

U odnosu na pomenuti odgovor dodatno ističemo, da je od 01.12.2020. godine Projektom Javnih radova angažovano 10 radnika koji će u naredna dva mjeseca raditi na čišćenju vodotoka i jezera, uklanjanju samoniklog grmlja i šiblja, uređenju voćnjaka i sličnih aktivnosti u funkciji unaprijeđenja stanja na ovom lokalitetu. Također, obezbijeden je posipni materijal za uređenje i rizlanje staza i šetnica, a biće postavljen i određeni broj klupa i korpi. Do kraja godine planiran je završetak aktivnosti na izradi projektne dokumentacije za postavljanje stubova javne rasvjete, a sve kako bi ovaj prostor bio pristupačniji za posjetioce, a i bezbjedniji.

Međutim, da bi se mogle realizovati i druge aktivnosti (prevashodno mislimo na uređenje lokaliteta Titova rezidencijalna vila sa pratećim objektima i tunela), prioritetno je rješavanje imovinsko-pravnih odnosa koji uključuje državni nivo vlasti.

Takođe, za ovo zaštićeno područje potrebno je, a prema federalnom Zakonu o zaštiti prirode ("Službene novine Federacije BiH", broj 66/13), donijeti Prostorni plan područja posebnog obilježja, kojim se definiše organizacija prostora, način korištenja, uređenja i zaštite ovog prostora. Izrada i donošenje pomenutog razvojno-planskog dokumenta biće moguća nakon donošenja nove Odluke o zaštiti izvorišta za piće u "Sarajevskom polju".

S poštovanjem,

MINISTAR

**Faruk Kapidžić, dipl.ing.arh.**



Dostaviti:

- ② Naslov
- Služba za skupštinske poslove
- Sekretar Vlade Kantona
- a/a



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031

Sarajevo, Reisa Džemaludina Čauševića 1

